

Ո Ր Ո Շ ՈՒ Մ N 94

/մաքսային կանոնների խախտման վերաբերյալ

վարույթ սկսելը մերժելու մասին/

«19» մարտի 2024թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով քաղաքացի Վիսամ Թալիբ Ղադիրան Ալ Ջումաիլիի (անձնագիր՝ 20TP00599) վերաբերյալ փաստաթղթերը,

Պ Ա Ր Զ Ե Ց Ի

Քաղաքացի Վիսամ Թալիբ Ղադիրան Ալ Ջումաիլիի կողմից 07.03.2023 թվականին Մեղրիի մաքսային կետ-բաժնով թիվ 05100041/070323/0000784582 մաքսային մուտքի օրդերով ՀՀ է ներմուծվել INFINITI - FX35 մակնիշի, 2004 թվականի արտադրության, JNRAS08W94X219298 նույնականացման համարով, AA124VV պետհամարանիշով տրանսպորտային միջոցը: Ժամանակավոր ներմուծման վերջնաժամկետ է սահմանվել 07.03.2024 թվականը, սակայն ժամկետի ավարտից հետո վերոնշյալ մաքսային մուտքի օրդերը «ՀՀ Արտաքին առևտրի ազգային մեկ պատուհան» ծրագրում չի գտնվում «Փակված» կարգավիճակում, ուստի հնարավոր է, որ հիշյալ տրանսպորտային միջոցը սահմանված ժամկետում ՀՀ-ից վերաարտահանված չլինի:

19.03.2024 թվականին իրավախախտման առկայությունը կամ բացակայությունը պարզելու նպատակով, սահմանահատումների վերաբերյալ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների պատմությունը, համաձայն որի քաղաքացի Վիսամ Թալիբ Ղադիրան Ալ Ջումաիլիին 31.03.2023 թվականին ժամը 12:48-ին Բագրատաշեն պետական սահմանի անցման կետով INFINITI - FX35 մակնիշի, 2004 թվականի արտադրության, JNRAS08W94X219298 նույնականացման համարով, AA124VV պետհամարանիշի տրանսպորտային միջոցով անցել է Վրաստան:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական

գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն օրենքի 309-րդ հոդվածի 1-ին մասի համաձայն՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված **մաքսային վճարների** (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) **մեծության տասը տոկոսի չափով, բայց ոչ պակաս, քան երեսուն հազար դրամի չափով**»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

«Մաքսային կարգավորման մասին» ՀՀ օրենքի 324-րդ հոդվածի 1-ին մասի 2-րդ կետի համաձայն՝ մաքսային կանոնների խախտման մասին հաղորդումն ստանալուց հետո՝ եռօրյա

ժամկետում, վարույթը բացառող հանգամանքների առկայության դեպքում մաքսային մարմնի կողմից կայացվում է գործի վարույթ սկսելը մերժելու մասին որոշում:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորությունը քաղաքացի Վիսամ Թալիբ Ղադիրան Ալ Ջումահիլի կողմից կատարվել է, հետևաբար նրա արարքում «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներ առկա չեն:


Հիմք ընդունելով վերոգրյալը և ղեկավարվելով «Մաքսային կարգավորման մասին» ՀՀ օրենքի 324-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Քաղաքացի Վիսամ Թալիբ Ղադիրան Ալ Ջումահիլի նկատմամբ մաքսային կանոնների խախտման վերաբերյալ գործի վարույթ սկսելը մերժել:
2. Որոշման մասին հայտնել քաղաքացի Վիսամ Թալիբ Ղադիրան Ալ Ջումահիլին:
3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ